

• Angqhoh Ngeihcib Daih •

Doiqfwen Angq Hoh Dangj Ngeihcib Daih

对歌欢庆二十大

□ Vangz Gozgvanh / 黄国观

**Sai:**

Guh sevei cuji,
Cidu caezcienz ndei,
Dangj sanh cungh cienz vei,
Gaenq meiz(miz) cungj muzbyauh.

Mbwk:

Seiqcib bi lai daeuj,
Raeuz gaijgwz hailangh,
Daiq roen hix dwg dangj,
Bang raeuz dwg cwngfuj.

Sai:

Guh reihnaz gaijgwz,
Cwngcwz ndaej lozsiz,
Cizdij sojyoujci,
Di neix aeu ciuqhengz.

Mbwk:

Aeu fazcanj ginghcei(ginghcei),
Hix aeueiq swyenz,
Gij vanzbauj gvanhnen,
Caezgya niemh ndawsim.

Sai:

Nyienh raemx loeg bya heu,
Mbouj nyienh gimdiuz lai,
Bya heu couhdwg caiz,
Ndei lai gvaq miz ngaenz.

Mbwk:

Hengz hailangh cwngcwz,
Guh gaijgwz doiq seiz,
Raeuz hix guh ndaej ndei,
Miz leih raeuz doxbaen.

Sai:

Guh it rangh it loh,
Byaij diuz loh fouzmiz,
Mboujdan guh ginghcei,
Lij aeu lai doxgangj.

Mbwk:

Raeuz fwen gaijgwz gvaq,
Fwen gozgyah guenjieix,
Naemj hawj guekgya ndei,
Ei fap guenjieix gonq.

Sai:

Ei fap daeuj ceih goz,
Bouxbox doq naeuz ndei,
Miz saeh fap cawqleix,
Seizseiz guh doeng deng.

Mbwk:

Boux lingjdauj ganbu,
Aeu eisouj fazliz,
Mboujguenj hung rox iq,
Souj fazliz cij ndaej.

Sai:

Aeu caezcienz gveihva,
Laeb faz gaem cungdenj,
Yaek dingq vunz yigen,
Gaem cungdenj bae hengz.

Mbwk:

Rox faz gam mbouj laeuh,
Nduknaeuh aeu cawqceq,
Gak boux aeu roxndeq,
Cawqceq biengz cingq maenh.

Sai:

Boux rox faz famh faz,
Guh anq gyaj anq loek,
Cienzhouh aeu dauq boek,
Daj gizgoek gaemdawz.

Mbwk:

Gij shwfaz anqgienh,
Aeu yienh ok goengcingq,
Hawj gyoengq raeuz beksingq,
Ndawsim ndaej andingh.

Sai:

Eifap bae banhsaeh,
Baenzneix ndaej goengbingz,
Bouxlawz guh lingqgingq,
Itdingh aeu cawqceq.

Mbwk:

Raeuz fwen liux fazci,
Cij fwen daengz ceih dangj,
Dangj aeu ndongj lumj gang,
Seuqcingh dwg dangjfungh.

Sai:

Yiemzgek bae ceih dangj,
Mbouj dwg gangj laeng bak,
Bouxlawz guh saeh yak,
Aeu rag de roengzmax.

Mbwk:

Mbangj dangjyenz ganbu,
Guh gwncienz fujbai,
Gag liz gyoengq vunzlai,
Wnggai aeu faz ceih.

Sai:

Gaem dangjfungh gensez,
Roxndeq aeu lenzcwnq,
Fujbai guh lingqgingq,
Itdingh mbouj yungzcingz.

Mbwk:

Gaijgwz caeuq siujgangh,
Ceih dangj caeuq ceih goz,
Byaij haeuj seizdaih moq,
Lohloh aeu byaij ndaej.

Sai:

Seiq aen cienzmienh neix,
Cingq dwg ndei mbouj gvaq,
Gensez raeuz guekgya,
Maenh gvaq cienz seiqgyaiq.

Mbwk:

Dangj laeb bak lai bei(bi),
Raeuz caiq ngeix doxdaug,
Fanzdwg dangj lingjdauj,
Gauj yienghyienh doeng baenz.

Sai:

Gungcanjdangj lingjdauj,
Gauj yienghyienh cungj doeng,
Gungcanjdangj daiqroen,
Fueng'yiengq loeng noix byaij.

Hab:

Caeuq mwngz fwen ngoenzneix,
Roxnyinh ndei lailai,
Dangj hai Ngeihcib Daih,
Raeuz caiq fwen haenh dangj.

(2 sat)

1. Goek goz byai cix soh,
Miz hoh mbouj miz mbaw.
(Cungqdinj)

2. Song duz byaleix nding,
Duz ciengj duz bae gonq.
(Fajdin)

3. Roeghenj venj gwnz faex,
Mbouj miz saej miz lauz.
(Aen'gyoij)

4. Bouxhek ndaw singz daeuj,
Mbouj gyaеuj dauq miz heuj.
(Faggawq)

5. Meh vaiz geq gok nga,
Ok nyaq gvaq gumq laeng.
(Fagbauh)

6. Laeq ndeu lumj lwgmanh,
Haeuj ranz couh rim ranz.
(Muenzdaeng)

7. Aeu feiz coemh baihgwnz,
Dauq raen raemx goenj laj.

Vah Duenz

谜语

□ Soucomz Cingjieix Veiz Daz

Ngoenzngoenz cungj raen naj,
De ma mwngz cix yiet.
(Doengzsuijien)

8. Cien diuz mae,
Fanh diuz mae,
Aeu cax daet mbouj goenq,
Doek roengz namh mbouj raen.
(Fwn doek)

9. Mwngz byaij de caemh byaij,
Mwngz dingz de caemh dingz,
Mbouj liz mwngz saek yamq.
(Duzngaеuz)

10. Miz Vunz ndeu youh biz youh daemq,
Gwn geijlai haeux cungj mbouj imq.
(Aenmuh)

11. Mbwn byaj rongxrongx miz fwn doek.
(Aenmuh)

12. Gen buh raez gvaq ndang,
Hanz cang mbouj ok yiengh,
Gen buh raez go guenga,
Duz maz yiengh wij nuengx.
(Duzruemh)

13. Lij iq noh lix hoengz,
Daep byoem guh hozsiengh,
Bouxvunz raen cix beng,
Dai uengj vih bouxlawz.
(Maknimsaeq)

(1)

